



# Ալեքսանդր Ճատուրյան

## Մրջյուններ և խլուրդ

Գարնան ջերմ օրին մայր-երկրի երես  
Ջերմ գործի ելան արի մրջյուններ.  
Վազեցին հա՛ դեն, վազեցին հա՛ դես,  
Որպես ժրաջան, անխոնջ մշակներ:

Եվ կարճ միջոցում, պարտիզի խորքում  
Կանգնեցրին մի տուն հողաշեն թըմբիկ,  
Եվ ապրում էին ամենքն այդ շենքում,  
Ասես, մի՛ սիրով կապված ընտանիք:

Բայց մի օր (ավա՛ղ, երկրի երեսից  
Չարն է անպակաս) խրդճուկ մրջյուններ  
Հոգնած, ուժասպառ տուն գալով գործից,  
Տեսան տունն իրանց քանդված ու ավեր...

Ստորերկրյա ճամփով, թաքուն գողի պես,  
Սուսիկ փորելով սիրուն շենքի տակ,  
Լույս-արևն ասող խլուրդն էր այդպես  
Խեղճ մրջյունների ավերել վաստակ:

Լույսի մշակներ՛ր, երբ կյանքի գարնան  
Գործի եք ելնում, դուք մի՛ մոռանաք,  
Որ մեզնում նույնպես խլուրդներ շա՛տ կան

Թարուն փոս փորող ամեն գործի տակ...